



Yolanda Amiell Sangüesa, secretària accidentau deth Conselh Generau d'Aran,

CERTIFIQUI:

Que segontes Decret de Sindicatura num. 0506/2024, de 29 d'agost, s'a adoptat era següenta resolucion, era còpia literau dera quau ditz:

“Francisco Bruna Capel, sindic accidentau deth Conselh Generau d'Aran, en tot hèr usatge des facultats que me conferissen es articles 29.4 i) e 30.2 dera Lei 1/2015, de 5 de hereuèr, deth Regim Especiau d'Aran,

Exposicion de motius

Eth miei ambient ei ua matèria transversau que trauèsse es dièrsi sectors dera activitat administrativa. Per aguesta rason, en títol XX deth Tractat dera Union Europèa, que tracte sus eth miei ambient, estipule entre d'autes qu'era politica dera UE aurà de contribusir entre d'auti objectius ara conservacion, era proteccion e era mielhora de qualitat deth miei ambient, ara proteccion des persones e ar usatge prudent e racionau des recorsi naturaus. Atau madeish, en art. 191, s'establís qu'es politiques dera UE s'auràn de basar entre d'auti principis en deth “qui contamine pague”.

Eth caractèr transversau dera politica ambientau s'explique per hèt qu'en madeish article 3 deth Tractat, a on se fixen es finalitats dera Comunitat Europèa, e figure eth deth creishement economic equilibrat e ena estabilitat de prètz damb un nivèu elevat de proteccion e mielhora de qualitat deth miei ambient.

Atau, era Directiva 2008/98 dera Comission Europèa, Marc de Residus, mèrque coma objectiu un minim deth 55% en pes dera preparacion entara reutilitzacion e en reciclatge de residus entar an 2025. Aguest valor ascendís enquiath 60% entar an 2030 e ath 65% en an 2035. A mès, obligue as Estats membres a hèr usatge d'esturments economics entà promòir eth principi de jerarquia en tot enumerar dièrsi exemples d'esturments economics, entre es quaus i an:

1. Es taxes e restriccions as operacions de dipòsit en tarcumèrs e incineracion de residus qu'incentiven era prevencion e eth reciclatge de residus;
2. Es sistèms de pagament per generacion de residus (pay-as-you-throw) qu'impausen taxes as productors de residus segontes era quantitat reau de residus generadi e proporcionen incentius entara separacion ena origina des residus reciclables e entara reduccion des residus barrejadi;

Aguesta concepcion globalizadora des estats membres a, en definitiva, a toti es poders publics –ens locaux includidi- subjèctes ath mandat constitucional de velhar pera utilizacion racionau de toti es recorsi naturaus, damb era finalitat de protegir e mielhorar era qualitat dera vida e defèner e restaurar eth miei ambient e complir damb es objectius fixadi en matèria de reutilizacion e reciclatge.

En estat Espanhòl, aguest precèpte se traduís damb era Lei 7/2022, de 8 d'abriu, de residus e solèrs contaminants entà ua economia circulara, que cèrque redusir ath minim es efèctes



negatiu dera generacion e gestion de residus ena salut umana e en miei ambient, en tot híger coma concèptes principaus era economia circulara e era luta contra eth cambi climatic.

Per aguesta rason, eth concèpte de miei ambient a un caractèr transversau, atau coma ac demòstre eth considerable nombre d'ordenances locals de contiengut ambientau o vinculades ara proteccion deth miei.

Aguest hèt de transversalitat e proteccion ambientau ei especiaument remercable en un territòri coma era Val d'Aran, a on era sua economia, tradicion e cultura son fòrtament ligades ath miei ambient.

Fonaments de dret

Son d'aplicacion:

- Tractat dera Union Europèa e Tractat de Foncionament dera Union Europèa. Versions consolidades. Protocòls. Annèxi. Declaracions annexades ara Acta Finau dera Conferéncia intergubernamentau qu'a adoptat eth Tractat de Lisboa, publicat en DOUE num. 83 de 30 de març de 2010.
- Directiva 2008/98/CE deth Parlament Europèu e deth Consejo, de 19 de noveme de 2008, sus es residus e pera quau se deròguen determinades Directives.
- Lei 7/2022, de 8 d'abriu, de residus e solèrs non contaminats entà ua economia circulara.
- Lei 39/2015 d'1 d'octobre deth Procediment Administratiu Comun des Administracions Publiques.

Cosset damb tot çò expausat,

È RESOLVUT:

PRUMÈR.- Instar e impulsar er expedient entà procedir ara aprobacion dera modificacion dera *Ordenança Reguladora dera gestion de residus urbans dera Val d'Aran*.

DUSAU.- Ordenar era realizacion d'ua consulta publica, per un periòde de 15 dies naturaus, damb caractèr prealable ara elaboracion deth projècte dera modificacion dera ordenança reguladora dera gestion de residus urbans dera Val d'Aran, damb er objectiu de recuèlher era opinion des ciutadans/es e organizacions mès significatives potenciauments afectades peth futur reglament, en compliment d'aquerò que dispause er article 133 dera Lei 39/2015, de Procediment Administratiu Comun des Administracions Publiques.

Era consulta s'amiarà a tèrme mejançant era sedença electronica deth Conselh Generau d'Aran en relacion damb:

- a) Problèmes que se pretenen solucionar damb era iniciativa
- b) Besonh e oportunitat dera sua aprobacion
- c) Objectius deth reglament



d) Possibles solucions alternatives reguladores e non reguladores

TRESAU.- Notificar aquest acòrd as associacions e entitats interessades, as Ajuntaments d'Aran e ara Agència Catalana de Residus.

QUATAU.- Contra aquest acte de tramit, que non exaurís era via administrativa, non procedís interpausar cap tipe de recors, sense perjudici dera possibilitat d'interpausar posteriorament es recorsi corresponenti contra er acòrd d'aprobacion definitiva.”

E, entà qu'atau cònte ar efècte oportun, signi aquest certificat d'orde e damb eth visteplatz deth Sindic accidentau.

Vielha, *signat electronicament*

Vist e platz
Eth Sindic accidentau

Francisco Bruna Capel